

筆記小說大觀

集

臺灣

外

紀

第一冊

清江日昇識

進步書局校印

清江日昇識

臺灣外紀

上海進步書局印行

臺灣外紀提要

是書為清九閩江日昇所識純用
章回小說體裁共三十卷敘述鄭
芝龍歷史始於明天啟元年終於
清康熙癸亥克塽踈誠於明永曆
偏安事及三藩軼事並能言之詳
盡作者其厲悲觀之微意乎

序

余司鐸南詔於乙丑春獲交珠江子東旭蓋循循然重厚博物君子也嗣出其所輯臺灣外記三十卷屬序於余余讀是書起於擁眾明季迄於歸順我朝垂六十年其間島嶼之阻絕城壘之沿革鎮弁營將之忠佞勇懦以至睿謨之征討招徠沿海之戰勦區畫靡不瞭如指掌筆力古勁詳確有龍門班掾風其書專為鄭氏而作始於明太祖非著明之始所以著鄭氏之始也首誌顏思齊所以著鄭芝龍之始又以著臺灣開闢之始也至於紀閩賊之流禍載馬相之擅權列三藩之反側藉為鄭氏引線故不詳其說非具有三長者不能也按成功以隆武賜姓逃竄海外奉閩運故朔三十有七年仗義守節庶幾田橫之遺然以我朝視之則固勝國游魂海隅窮魄律以犯邊梗化夫復何辭敬惟我皇上神功聖烈度越千古而鄭氏叛則討之服則撫之又仰見皇仁浩蕩格外矜宥聿成中外一統之治億萬年丕丕基定如此矣是書以閩人說閩事詳始末廣搜輯迥異稗官小說信足備國史採擇焉余故樂而序之

康熙甲申冬岷源陳祈永

鄭氏世次

鄭芝龍

字飛皇。福建泉州府南安縣石井人。在日本國娶翁氏。生森。繼娶顏氏。生四子。恩。陰。渡。襲。

鄭成功

芝龍長子。名森。字大木。南安學生員。妻董氏。容先長女。生子十。經。聰。明。睿。智。寬。裕。溫。柔。發。年三十九。卒於臺灣。

鄭經

成功長子。字元之。妻唐氏。顯悅女。孫無出。陳氏生子六。盛。塽。以下幼。未詳。年三十。九。卒於臺灣。

鄭克塽

經長子。才能剛正。令其監臺。迨經死。馮錫范。譖諸叔。以螟蛉說於董氏。共謀殺於府內。年一十八。妻陳氏。永華女。正白旗。康熙甲戌科進士官翰林。陳夢球之妹。懷孕盡節。兵民無不嘆惜之。

鄭克塽

經次子。投誠封正黃旗漢軍公。妻馮氏。正白旗漢軍伯錫范之女。
鄭芝龍起於天啟元年。至康熙癸亥。克塽歸誠。共六十三年。

臺灣外記目錄

卷一

江夏侯驚夢保山

顏思齊敗謀日本

卷二

蔡善繼出海招安

盧毓英陸鵠被獲

卷三

往舊鎮芝龍就撫

戰赤湖劉香殞命

卷四

登煤山明祚攸終

定燕都我朝一統

卷五

唐監國福州假號

黃道周南京盡節

卷六

肇慶府桂王僭位

曾厝鞍施郎逃生

卷七

困漳州金礪解圍

逃舟山魯王入海

卷八

國軒合謀歸鄭藩

甘煇用火破仙遊

卷九

獻海澄黃梧歸誠

護國嶺格商被斬

卷十

成功敗績于江南

甘煇死節于崇明

卷十一

何斌獻策取臺灣

黃梧密疏遷五省

卷十二

入緬甸桂王受辱

閱祖訓成功歸天

卷十三

周全斌金廈大戰

陳永華東寧建國

卷十四

施提督兩疏進勦

王巡撫遺疏開界

卷十五

明尚書入閩議撫

范總督抵任上疏

卷十六

下漳州啓泰死難

通海上三藩俱舉

卷十七

黃芳度畏迫詐降

耿精忠見敗修好

卷十八

援南邦之信遇敵

破清漳吳淑獻城

卷十九

平福省范公死節

戰龍江許耀逃竄

卷二十

敗七府國太執法

入潮州進忠歸正

卷二十一

劉國軒大開江東

段應舉被困海澄

卷二十二

國軒率眾圍泉州

啓聖具題復遷界

卷二十三

盛天府克塽監國

坂尾寨吳淑喪身

卷二十四

劉國軒單騎救主

陳永華墮計辭權

卷二十五

錫范為壻弑克塽

啟聖保題請施琅

卷二十六

施提督連疏議勦

姚邵院遣使再撫

卷二十七

克塽信讒斂百姓

藍理負傷攻澎湖

卷二十八

江勝邱煇雙盡節

國軒良驥遁臺灣

卷二十九

武平伯力勸納款

寧靜王一門殉烈

卷三十

施將軍議留臺灣

大清國四海太平

臺灣外記卷一

清 九閩珠浦東旭氏江日昇識

江夏侯驚夢保山

顏思齊敗謀日本

前明太祖朱姓諱元璋。字國器。濠州人。于元至正七年。自和陽起兵渡江。收納英傑。驅除羣雄。至戊申歲。即位于金陵。改稱南京。驅逐一十六載。始廓清宇宙。方命江夏侯周德興。設立衛所。安插有功將士。德興從山東登萊青莒。由浙江寧紹台溫等處。會同有司。酌議踏勘。設置分封。迨入閩。至泉州。建永寧衛。過石井安平地方。見龍勢飛騰。山環而相顧。水潮而有信。旗鼓顯耀。印劍生成。徘徊瞻玩。憶奉命時。曾受密旨。斷沿邊孽穴。今觀此地。應為開却。遂傳南安知縣楊廷志。取討人夫。備蓋鋪。是夜德興忽夢二人跪告曰。公奉旨勘踏地脉。斬除孽穴。適觀此處。飛騰踴躍。疑惑於懷。欲為開斷。以銷國患。但此地不然。發脈於臨江。起伏于紫帽。蟠騰隱現。實歸安江。其左輔右弼。氣象萬千。上帝業命余保護此土。以俟後來之有德者。葬其中。應出五代諸侯為國朝吐氣。幸勿輕為開斷。以違帝命。謹記謹記。

評 今古盛衰皆有數

聖明空算滿盤棋

曰 雖然識破機關處。

三尺冥冥自主持。

德興驚覺。漏方三鼓。細思此夢甚異。明是此處山神奉上帝命。在此守護。求我勿得擅開。後來當出此五代諸侯。為國朝吐氣。輾轉思維。當再為審詳酌奪。次早。德興按夫役。親登嶺上。遙望波濤洶湧。山勢嵯峨。發跡環遶。不但尖圓秀麗。氣槩雄壯。及山盡水窮。愈玩愈有意味。再步山巔。見大石鐫海上視師四大字。旁宋朱熹書。訝曰。先賢業有明鑒。此乃天數。豈可違逆。徘徊而下。散其夫役。至同安地。設高浦所。濬一井。于來龍之白鶴山上。深十餘丈。鎔化生鐵數千斤。傾入井內。其所前有大石二十八塊。每石令匠分劈兩片。諺云。白鶴山。珠嶼繁。誰人葬得著。天下管一半。故德興有是舉。渡江置金門所。即浯州。中左所。即廈門。又建鎮海衛。以及陸鵝。懸鐘銅山。諸所畢會。同軍門請旨。分給有功將士。然後從潮惠建衛所。入廣東設置。回京復命。

按此地宋朱文公諱熹。初除同安主簿。經過此處。觀鴻漸山。木星挺秀。喜其地迨至山上。見海潮洶湧。五馬脫氣。遂令匠勒海上視師四大字於石。及江夏侯周德興建銅山所城。設四門而塞其北。從未有發科甲者。至巡備兵道蔡潮點軍至銅山。見北門不開。哂江夏侯之未全識地理。當開以收逆水。令人挖之內。豎一石。書過。

潮則開四大字。潮嘆服曰。夏侯真神人也。從此銅山文物濟濟。

後此地被鄭達德。遇異人廖明師。為之指葬。名為五馬奔江。傳其孫紹祖。芝龍父也。充泉州庫吏。是年萬曆甲辰三月初十日。春暖融和。天氣清明。廈門忽爾雲霧四合。電雷閃爍。霹靂一聲。海渚劈開一石。中悉隸篆鳥跡。識者文之曰。

草雞夜鳴。長耳大尾。銜鼠千頭。拍水而起。殺人如麻。血成海水。揚眉於東。傾陷馬耳。生女滅雞。十倍相倚。志在四方。一人也爾。庚小熙皞。太平伊始。

人咸不解其語。十八日辰時。芝龍生。其母黃氏夢三婦人。引紅霞一片。推於懷。徐而採抹地下。表名一官。越戊申。一官五歲。紹祖送啟蒙。取名國桂。頗聰明。庚戌。一官七歲。讀書放午。歸於途。戲石過牆。誤中太守蔡善繼紗帽。蔡失驚。遣人擒入。紹祖始為免中請罪。善繼見一官眉目清秀。氣宇軒昂。贊之曰。此寧馨兒也。賞而釋之。天啟元年辛酉。一官年十八。性情蕩逸。不喜讀書。有膂力。好拳棒。潛往粵東香山澳。尋母舅黃程。程見雖喜。但責其當此年富。正宜潛心。無故遠遊。擅離父母。一官詭答。以思慕甚殷。特候起居。非敢浪遊。程留之。至天啟三年癸亥夏五月。程有白糖奇楠麝香。欲附李旭船往日本。遣一官押去。然前日本與今不同。今之日本。凡船隻到港。人都入

在班中拘束不許四處散歇交易。只許六十萬兩。各船攤開數足。將餘貨發還。給水米蔬菜駕回。昔之日本最敬唐人。凡各洋悉唐朝與通。故稱中國人曰唐人。船一到岸。只有值日庫街擊頓公司貨物。公司乃船主之貨物。此洋船通稱也。其餘搭客暨船中頭目夥記貨物。悉散接居住。轉為交易。婦人雖跣足蓬頭。而姿色羞花。宛如仙女。且頭髮日日梳洗。熏以奇楠。不似中國抹以香油也。客至其家。最敬者或茶或酒杯。盞必擦以頭髮。然後斟而送客。其奇楠氣味齒頰生香。所以抵日本者。老誠亦被迷墜。况一官正在方剛之年乎。亦是天數該然。赤繩繫足。本街有倭婦翁氏。倭日本別號也。年十七。天嬌絕俗。美麗非常。見一官魁梧奇偉。彼此神交。第不得即為雙栖。並一耳。一官遂聘之。合卺後。隔冬住下。凡洋船皆來風而回。其未回者。則曰隔冬時。有福建漳州府海澄縣人。姓顏名思齊。字振泉者。年三十六。身體雄健。武藝精熟。因宦家欺凌。揮拳斃其僕。逃日本。裁縫為生。居有年。積蓄頗裕。疏財仗義。遠邇知名。是歲天啟四年甲子夏。唐船販日本者甚多。思齊與大赤般財副楊天生交稱最好。天生字人英。年三十。泉州晉江人也。赤般船名財副。則管理一船貨物者。天生算法精敏。最熟大乃。且言語便捷。染黠多智。朝夕盤桓。遂成水乳。一日偶共飲。微酣。思齊嘆

曰。人生如朝露耳。若不能揚眉吐氣。虛度歲月。羞作骯髒丈夫。天生曰。舜何人也。予何人也。有志者亦若是。長兄有此雄略。何愁久困。以余度之。此地可圖。思齊嘆曰。吾亦有心久矣。其奈力微何。天生曰。先以得人為要。弟當憑三寸不爛舌。鼓動各船之傑者。尊拜我兄為盟主。然後徐徐說之。則事可成矣。思齊曰。此非吾弟不可。事成富貴與共。聞李德船中有一姓洪名陞。為人慷慨豪邁。甚好藤牌。天生曰。與弟最厚。字果卿。年方二十六。係興化府莆田縣人。其廼祖至同安。因而在同住家。藤牌正跳七尺。倒跳一丈。思齊思此人當招之。天生曰。彼亦極慕長兄名譽。二人談得投機。直至酩酊方別。次早。天生邀陳勲同到張弘船中。弘字子大。泉之惠安縣人。剛直勇敢。能舉五百觔青石。徧行教場一回。面不改容。故號為鐵骨張弘。適陳德林福亦在船中。福字振祖。手足便利。渾號深山猴。善使標槍炮火。泉之同安人。天生敘談之際。就提起拜顏振泉為盟主之事。眾咸喜焉。林福舉李英。莊桂。楊經。三人。年少義俠。陳衷紀。舉林翼。黃碧。張輝。王平。黃昭。五人。福即同天生往招李俊臣。臣名明。漳之南靖人。風流洒脫。甚精鉅頭。俊臣許諾。天生等回於途。遇鄭一官與何錦。天生招之一官。舉高貫。武藝超羣。並余祖。方勝。許媽。黃瑞。郎。唐公。張寅。傅春。劉宗。鄭王等。共二十八人。於六